

# POST Greenlandip ingerlatsinera, allakkanik ingerlatitseqqittarnera, allakkanik ammaasarnera aamma allakkanut nakkartitsisarfinnik pilersuinera pillugu Namminersornerullutik Oqartussat nalunaarutaat

Allakkerineq pillugu Inatsisartut peqqussutaanni nr. 8-mi, 14. november 2004-imeersumi § 4, imm. 2, § 11, imm. 2, § 16, imm. 3, § 22 aamma § 42 naapertorlugit aalajangersarneqarput:

## *Kalaallit Nunaanni Allakkeriveqarfiit ingerlanneqarnerat*

§ 1. Illoqarfinni ilanngussaq 1-imi allassimasuni allakkanik nalinginnaasunik aalajangersimasumik akuttussusilimmik agguaassisarneq pisassaaq, ikinnerpaamik sapaatit akunnerannut marloriarluni. POST Greenlandip aalajangersassavaa, sapaatit akunneranni ulluni sorlarni allakkanik nalinginnaasunik agguaassisoqartassanersoq.

*Imm. 2.* Nunaqarfinni allakkanik nalinginnaasunik agguaassisoqarneq ajorpoq.

*Imm. 3.* Illoqarfinni nunaqarfinnilu allakkanik nalinginnaasunik agguaassiviusanngitsuni, allakkat nalinginnaasut POST Greenlandip suleqatigisartagaanut aaneqarsinnaassapput.

## *Allakkanik ingerlatitseqqittarneq*

§ 2. Nassiussat qaatiguuliukkat Danmarkimeersut, Savalimmiuneersut nunanillu allaneersut, nassiussisup Kalaallit Nunaanni najugaqartup, imaluunniit Kalaallit Nunaanni najugaqartoq sinnerlugu inuup allap Danmarkimiit, Savalimmiuniit imaluunniit nunanit allaniit Kalaallit Nunaanni tiguisussamut ingerlateqqinneqarnissaa siunertaralugu nassiussassatut tunniussai Allakkerineq pillugu Nunarsuaq tamakkerlugu Isumaqatigiissummi tamanna pillugu malittarisassat naapertorlugit POST Greenlandimit itigartinneqarsinnaapput, tamatumani:

1) nassitsisup allakkeriviulluunniit allakkanik Kalaallit Nunaannut ingerlateqqitassanik isumaginnittuusup uppersarsinnaanngippagu, nassiussat ilumut Kalaallit Nunaanniit nassiussisumit Kalaallit Nunaanni tiguisussamut nassiussaangitsut, imaluunniit,

2) nassitsisup allakkeriviulluunniit pineqartup nassiussassanut pineqartunut nunap iluani akit atuuttut malillugit akiliinissaa akuerippagu, imaluunniit nassiussat taamaattut pillugit allakkerivimmut pineqartumut isumaqatigiissutaasimasinnaasut malillugit akiliinissaa akuerippagu.

*Imm. 2.* Nassitsisup allakkeriviulluunniit allakkanik Kalaallit Nunaanni ingerlateqqitassanik isumaginnittuusup imm. 1, nr. 2-mi allassimasut malillugit nassiussat akilerumanngippagit, nassiussaq

allakkerivimmut isumaginnittuusumut utertinneqassanersoq imaluunniit suujunnaarsinneqassanersoq POST Greenlandip aalajangissavaa.

*Allakkanik ammaasarneq*

§ 3. Nassiussat matoqqasut POST Greenlandimit isumagineqartut apuunneqarsinnaanngitsut, allatut iliornikkut nassiussisumut tiguisussamulluunniit ingerlateqqinneqarsinnaanngitsut, inunnit taamaaliornissamut POST Greenlandip qullersaqarfianit immikkut toqqakkanit ammarneqarsinnaapput misissorneqarsinnaallutillu.

*Imm. 2.* Pisariaqarpat nassiussap qanoq annertutigisumik ajoqusersimanera aalajangiiffiginarlugu imaluunniit ajoqusernerup killilersimaarneqarnissaa anguniarlugu POST Greenlandip nassiussat ammarsinnaavai.

*Imm. 3.* Inuit imm. 1-imi taaneqartut uppersaammik atsiugaqassapput, tassanilu nassiussami ammarneqartumi nassiussisup imaluunniit tiguisussap aqqata najugaatalu saniatigut imaanik allanik piaaralutik atuagaqarsimannginnertik, kiisalu taamatut iliornerminni ilisimalikkatik susassaqqanngitsunut allanut ilisimatitsissutigissanagit uppersassavaat.

*Allakkanik nakkartitsisarfiit, allakkanik nakkartitsisarfeqarfiit aamma matunut allakkanik nakkartitsivissatut ivertitat nassuiarneqarneri*

§ 4. Allakkanik nakkartitsisarfiittut isigineqarput, allakkanik nakkartitsisarfiit sukanut, iikkanut, sallilikkani ungalulianut assigisaannulluunniit naatitassanngorlugit ikkutaasut.

*Imm. 2.* Allakkanik nakkartitsisarfiittut isigineqarput, inissiani quleriinni allakkanik nakkartitsisarfeqarfiit, allakkanik tunniussivissanut tamanut immikkut nakkartitsisarfillit.

*Imm. 3.* Allakkanik nakkartitsisarfiittut isigineqarput, allakkanik nakkartitsisarfiit kipparissut, tunniussivissat matuinut allakkanik nakkartitsivissatut ivertitat, aammalu allakkanik nakkartitsisarfinnut ataasiakkaanut allakkanik nakkartitsivissatut ivertitat.

*Allakkanik nakkartitsisarfinnut aamma matunut allakkanik nakkartitsivissatut ivertitanut piumasaqaatit*

§ 5. Allakkanik nakkartitsisarfiit paarnaarneqarsinnaassapput.

*Imm. 2.* Allakkanik nakkartitsisarfiit imaluunniit matuni allakkanik nakkartitsivissatut ivertitat ataasiakkaat atit allagartaanik ikkussuivigineqassapput.

*Imm. 3.* POST Greenland allakkanik nakkartitsisarfiit inissiffissaasa, ikkunniissaasa atillu allagartaannik pilersornissaasa aqqissuunniissaannut malitassanik sukumiinerusunik aalajangersaassaaq.

*Allakkanik nakkartitsisarfiit, allakkanik nakkartitsisarfeqarfiit aamma matunut allakkanik nakkartitsivissatut ivertitat ikkussuunniissaannut maleruagassat*

§ 6. Allakkanik nakkartitsisarfiit inoqutigiit ataasiakkaat najugaannut isaariat eqqaannut inissinneqassapput.

*Imm. 2.* Illumi pineqartumi namminerisamik najugaqarfiit arlaliuppata, namminerisamik najugaqarfiit tamarmik immikkut allakkanik nakkartitsisarfinnik pilersorneqassapput.

*Imm. 3.* Ilaqutariinnut ataatsinut illu imaluunniit inissiaq najugaqarfissiaq ataaseq inoqutigiinnit arlalinnit najorneqarpat, inoqutigiillu taakku ataatsimut isaariaqarpata, allakkanik nakkartitsisarfik ataaseq inoqutigiinnit marluusunit amerlanerusunilluunniit ataatsimut atorineqarsinnaavoq, tamatumani

najugaqaqatigiit tamanna isumaqatigiissutigisimappassuk. Allakkanik nakkartitsisarfik inoqutigiit tamarmik immikkut atiisa allagartaannik ivertitsivigineqarsimassaaq.

*Imm. 4.* Allakkanik nakkartitsisarfiit marluk amerlanerusulluunniit sanileriissillugit ikkunneqarsimassapput.

**§ 7.** Illuni pingasut sinnerlugit tunniussivissaqartuni, 1. april 2005-ip kingorna sanaartornissamut akuersissut malillugu sananeqartuni allakkanik nakkartitsisarfeqarfinnik ikkussisoqassaaq.

*Imm. 2.* Allakkanik nakkartitsisarfeqarfiit sapinngisamik inini allerni illumut isaarissamut pingaarnermut qanittumut, agguasussap ajornaatsumik akornusersorneqaranilu iserfigisinnaasaanut, aammalu akornuteqarani allakkanik nakkartitsisarfeqarfimmut issoraaffigisinnaasaanut inissinneqassapput.

*Imm. 3.* Allakkanik nakkartitsisarfeqarfinni allakkanik nakkartitsisarfiit ataasiakkaat inissiat ataasiakkaat quleriiaarneri tulleriiaarnerilu malillugit inissititerneqassapput. Inini allerni inissiamut saamerlermut allakkanik nakkartitsisarfik, allakkanik nakkartitsisarfeqarfimmi allermut saamerlermut inissinneqassaaq. Inini qullerni inissiamut talerperlermut allakkanik nakkartitsisarfik, allakkanik nakkartitsisarfeqarfimmi qullermut talerperlermut inissinneqassaaq.

*Imm. 4.* Illumi piginnittup illumut isaariaq pingaarneq allakkanik nakkartitsisarfeqarfimmut isaariaasooq paarnaaqqasartunngorlugu iluarsisimappagu, allakkanik nakkartitsisarfeqarfik agguasissussap matu ammaqaanngikkaluarlugu silamiit allakkanik issoraavigisinnaasaanut ikkunneqassaaq.

*Imm. 5.* Allakkanik nakkartitsisarfeqarfinnik ikkussuinissamut akisussaaffik illumik piginnittup isumagisassaraa.

**§ 8.** POST Greenland allakkanik nakkartitsisarfiit inissiffissaannut ikkunniissaannullu malitassanik sukumiinerusunik aalajangersaassaaq.

**§ 9.** Matu isaariaq innermut pitarnaveeqqutaappat, allakkanik nakkartitsisarfimmik ikkussinissaq inerteqqutaavoq.

*Imm. 2.* Matunut allakkanik nakkartitsivissanik ikkussuinissamut akisussaaffik illumik piginnittup isumagisassaraa.

**§ 10.** Illuni pingasut sinnerlugit tunniussivissaqartuni, 1. april 2005-ip kingorna sanaartornissamut akuersissut malillugu sananeqartuni tunniussivissat tamarmik 31. december 2005 nallertinnagu allakkanik nakkartitsisarfinnik matukkulluunniit allakkanik nakkartitsisarfinnik pilersorneqassapput, imaluunniit § 6 malillugu allakkanik nakkartitsisarfeqarfilersorneqassallutik.

*Imm. 2.* 31. december 2005 nallertinnagu ilaqutariinnut ataatsinut illuni, illuni affarleriinni, illuni sanileriiaani/uiguleriiaani il.il. allakkanik nakkartitsisarfinnik matukkulluunniit allakkanik nakkartitsisarfinnik pilersuisoqassaaq.

**§ 11.** § 7-imi, imm. 1-imi aamma § 10-imi aalajangersakkat taamaallaat illoqarfinnut, allakkanik nalinginnaasunik agguasiffiusartunut atuutsinneqarput, tak. ilanngussaq 1.

#### *Allakkanik tunniussisarnermut maleruagassat*

**§ 12.** POST Greenlandip inoqutigiit, allakkanik nakkartitsisarfeqarfinnik/allakkanik nakkartitsisarfinnik/matukkut allakkanik nakkartitsisarfinnik ikkussuinissamut piumasaqaatinik naammassinissimangitsut allakkanik agguasissarnermi minissinnaavai.

**§ 13.** Inuit angallaruttut allallu innarluutillit, namminneerlutik allakkanik nakkartitsisarfimminnik imaarsiartorsinnaanngitsut allakkat inigisaminnut toqqaannartumik tunniunneqartarnissaannik immikkut akuersissuteqarfigineqarsinnaapput.

*Imm. 2.* Immikkut akuerineqarnissamut qinnuteqaat najukkami allakkeriviup pisortaanut tunniunneqassaaq.

*Maalaaruteqarsinnaaneq*

**§ 14.** Nalunaarummi matumani aalajangersakkat malinneqarnissaat Ineqarnermut Attaveqarnermullu Pisorta qarfirmmit nakkutigineqarpoq.

*Imm. 2.* Nalunaarut manna naapertorlugu POST Greenlandip aalajangiineri Ineqarnermut Attaveqarnermullu Pisorta qarfirmmut maalaarutigineqarsinnaapput. Maalaarutitik tunniussinissamut piffissarititaasoq, aalajangiinerup maalaarutigineqartup tiguneraniit sapaatit akunnerinik sisamanik sivilissuseqartinneqarpoq.

*Pineqaatissiinerit*

**§ 15.** § 3, imm. 3-mik unioqutitsinerit Kalaallit Nunaanni pinerluttulerinermut inatsit naapertorlugu pillaatitut akiliisitsiviusinnaapput.

*Atuutilerit*

**§ 16.** Nalunaarut 1. april 2005-imi atuutilerpoq.

*Namminersorluttik Oqartussat, 14. marts 2005*

Jens Napātōk

/

Dorthe Johannsen

Ilanngussaq 1

Ilanngussaq 2

Namminersorluttik Oqartussat  
Imaneq 4  
3900 Nuuk  
E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut